



**Int. Komp.**  
**59933**  
**III** Mag. St. Dr. P

*uenus.*

*ben. Nep. Praesidium universi.*

*Teol. 5799*







# PRÆSIDIUM

V N I V E R S I

CRACIAS INTER TVRRES

## D. JOANNES

## NEPOMUCENUS.

Sacræ Theologiæ & I. V. Doctor

Canonicus Cathedralis Pragensis,

Thaumaturgus observatum Sanctæ Confessionis sigillum

Martyr, famâ periclitantium singularis

P A T R O N V S.

*Dum*

Ejus Sacræ Reliquiæ ad Ecclesiam Divi ADALBERTI Archiepiscopi & Martyris, ex Basilica Cathedrali Cracov:

Ritu Solenni Introducerentur?

Architecta Pierate Archi-Confraternitatis Literatorû & aliorum

C V L T O R V M



## E R E C T U M.

& devota Panegyri

M. MICHAËLE IOANNE NEPOMVCENO AWEDYK,

In Alma Vniversitate Crac: AA. LL. ac Philosophiæ Doct:

& Profes: Scholæ B. V. MARIÆ in Circulo Cracov: SENIORE.

## DELINEATVM.

78  
Annô Quô

Præsidium ad Reparandam Salutem humanam, DEVS

Homo factus 1731 Die 22. Septembris.

CRACOVIÆ Typis Jacobi Matyaszkievitz S. R. M. Cellissimi, Illustrissimi & Reverendissimi, Episcopi Cracoviensis, Ducis Sæverici Ordinarij Typographi.







ILLVSTRISSIMO  
EXCELLENTISSIMO

&

REVERENDISSIMO Domino

D. JOANNI

A L I P E

L I P S K I,

EPISCOPO Nominato LVCEORIENSI

*Supremo Regni* PROCANCELLARIO,

ABBATI CLARÆ TVMBÆ,

Miechoviensi Generali, Chocznenfi Vſchovenfi

P R Æ P O S I T O

Domino Domino 59933

Mecænati Amplissimo.



*Olenni Sacrarum Diviniss:*  
IOANNIS NEPOMVCE-  
NI *Reliquiarum ad Regni*  
*Metropolim Cracoviam In-*  
*troductiōni, ne justus deesset*  
*plausus; Nomini Honoriq;* Tuo prono Cultu

a

et



et veneratione consignatur Illustrissime & Re-  
verendissime Domine. Ferentur facile à to-  
ta Polonia totoq; Universo celebres IOAN-  
NI plausus, cum sub Tuo Nomine in publi-  
cam his pagellis profertur lucem. penesq;  
Tui Procancellariatus Sigillum pro sigillo Con-  
fessionis Martyr festivis acclamationibus non  
carebit. In Præsidium ab Vrbe Cracia af-  
sumptus, ad montes Gentilitios, & Tui fa-  
stigium Stemmatibus eminebit. Cessit pridem in  
Patriæ Tutamen Domus Tua Illustrissima,  
quotq; Illi Heroes invictissimos dedit tot A-  
beneos exposuit muros, nullo bellico ariete su-  
perandos. Sparthani dicendi omnes, apud-  
quos pro defensione Boni publici mania pe-  
ctus agit. In brevem hanc paginam omnes  
non evoco, Singulos factis immortalibus su-  
perstites veneror, aliquos fastis amplissimis  
dignos, tenui dignor calamo. Celsissimus o-  
lim Illustrissimus & Reverendissimus A N-  
DREAS LIPSKI Episcopus Crac:  
Dux Severiæ Abavus Tuus, Quis quantusq;  
fuerit, Acta publica nonquam sine laude te-  
stantur. Lechicus Demosthenes fuit Florusq;  
Polonus, utroq; quàm longe major, ex Li-  
bris quos in lucem edidit, posteritati innot-  
scit. Supremus Regni Cancellarius. Regi-  
usq;



usq; a latere & à corde Orator, ita pro  
Majestate perorabat, ut & Civium in se con-  
servasset amorem. Post Luceorienses &  
Vladislavienses Insulas, Cracoviensi Caput  
submisit Tyaræ, eamq; summis meritis red-  
didit altiore. Præsul sæculis optandus,  
Senator & Pastor vigilantissimus, sub assū-  
ptis Præsuleis violis, reliquit florem perpe-  
tuo virentem Sacris honoribus. Ecclesia  
Collegiata in Hocz Liberalissimum Funda-  
torem, omnes aliæ quibus præfuit Benefa-  
ctorem narrant. Militat sama perennis A-  
DAMO LIPSKI, Capitaneo Tarnogoriensi  
Vexillifero Terræ Belzensis, quoties bellicas  
expeditiones suscepit toties e Patriæ limiti-  
bus expedit hostes, Sibi Trophæa erexit.  
Sine obliuione vindicat Sibi memoriã PRO-  
COPIVS LIPSKI Surrogator Posnaniensis,  
Notarius Castrensis Calissiensis, Qui multo-  
ties Tribunalitius Judex, nunquam pietatē  
ab eruditione, eruditionem à pietate seiun-  
xit. Solide persistit in immortalī Gloria PE-  
TRVS LIPSKI Dapifer Calissiensis, ad  
gustum Patriæ vitam duxit, solis hostibus  
displicebat. Sub Mausolei lapide fatalem No-  
minis Sui non experitur occasū, STANISLA-  
VS LIPSKI Præpositus Gnesnēsis, Patru-



us Tuus, Cui pro Colossis & obeliscis sufficiunt facta immortalia. Præsidens multoties Tribunalis Regni, nunquam non pro Themide certavit. Intricatos causarum nodos mentis acumine facilius resolvere novit quam Gordium Alexander. Hoc nonnisi contra fas & æm agere visus, quod ad detergendos emeritæ frontis sudores, Præsu-leas Vittas non admisit. Alterum Patrum Tuum à priori, charactere non meritis dissimilem, PROCOPIVM LIPSKI Castellanum Rogosnensem celebrant virtutes tra-beatæ. Marti primam devoverat ætatem, victrices quas promerebatur laurus, ut im-marcessibiles haberet; hostili sanguine irrigabat. Pactolum gemmiferum pro sepia fundere calamus deberet, ut condigno elogio innuere possit Illustr: VENCESLAVM LIPSKI Parentem Tuum, ob præclara gesta Heroem Illum, quem antiquitas si vidisset, verio-rem Herculem appellaret. Ad summa decora quibus selectissimis exornavit Patri-am, hoc ipsi supereminens est, quod Te ad perenne Regni totius ornamentum dederit. Barbara De Miaſtkowſcijs Mater Tua, digna Appellis penicillo, si par esset delineandis virtutibus Ejus. Pertinet ad idem Elogium Avunculi



*cui in Republica Polona meritissimi,*  
Ioannes Miałkowski Subjudex Terrestris  
Vłchovenfis, Michaél & Antonius, Viri quo-  
rum quilibet Triarius; Virtute, Prudentia,  
fortitudine pro Patria & Libertate dexter-  
rimus. Affines Cognatq; Familæ: Kowal-  
scij, Kozminscij Radzewscij, Koscielscij Grab-  
scij, Mierzewscij; alijq; Honore Nomine Ma-  
ximi aut summis pares, unà Tecum in plau-  
sus Orbi veniunt & magna adaugent Vota.  
Tu Illustrissime Domine, Prosapiæ Sangvi-  
nisquè Lipsiani Oceanus es, omnium Abo-  
riginum Compendium. Majorum, maximus  
Nepos. Nullus Illorum decrescit, Te ad au-  
gem meritorum crescente. Nullus desinit e-  
tiam suum post occasum, Te ad honorum  
Soles accedente. A prima ætate parvi nihil in  
Te apparuit, præter Corpus. Ephebus Phæ-  
bo dignâ ut agis egisti vitam. Ab aurora elu-  
cebat, quantus in meridie sperabaris. In-  
tulisti a teneris Indolem scholis Artium bo-  
narum capacissimam, Apollini Tullium  
huic Aristotelem adunasti & omnibus inge-  
niô major evasisti: sub Alienos abijsti soles,  
non sine Phæbeo Tuae virtutis splendore.  
Quascunq; lustrasti Oras, illustrabantur à Te  
nullusq; erat, qui Te non crederet luminare



maius oculis suis obversari Sunt alijs Regna  
extranea ad stuporē, Tu Imperijs & Natio-  
nibus admiratio. Alijs Athenæ ad profe-  
ctum, in Te celebriores Vniuersitates, Magi-  
sterium veneratæ, plus in Te eruditionis a-  
gnoscentes, quam amplissimi habere possunt.  
Redux in Patriam sine moribus alienis, non  
tamen solus rediisti, in Comitatum Tuum  
Virtutes omnes & elegantias Gentium ad-  
misisti, multo venerabundus, quod plausu ab  
exteris salutabaris. Tacendum tamē non est  
qua in Te æstimatione ferri non desinit, Cel-  
lissimus Princeps Illustrissimus & Reveren-  
dissimus Dominus THEODORVS in Potok  
POTOCKI Archi Episcopus Gnesnensis,  
Legatus Natus, Regni Poloniae & M. D. L.  
Primas Primusq; Princeps. Supremi Tribu-  
nalis Regni Te Præsidentem voluit, in Cælo  
iustitiæ Primum mobile. Senserunt Te se-  
veriore Catonem crimina, Virtutes certū  
Asylum & Patrocinium habuerunt. Sub  
Te æquitatis Moderatore Sanctior àplius nō  
poterat desiderari Areopagus. Supremus  
Regni Procancellarius Os Regium factus di-  
cendorum materiā ex, ni omnem vim elo-  
quentiæ transcendas. Sub Sigillo Quo ser-  
vantur Demosthenes, rosei Hortensij, mellei I-  
so.



Socrates, Parentes Romani Eloquij Cicero-  
nes quia Tu Ipse Tullius, & omnium Prin-  
ceps Oratorum. Sinceritate dicendi Ambro-  
sius, verborum pretio Aureus Chrysostomus.  
Gentium Oratores stylo suo Te facundum  
mirantur, Lingvas plurimas audiunt, &  
Te unum ingeniorum prodigium veneran-  
tur. Loqueris Gallis lilia, Germanis & I-  
talis Tuo Ore respondes, ac si Eorum lingua  
haberes. In publicis expeditionibus quis Te  
promptior? pennas scribentium prævolas, e-  
aq; celeritate matura, ex tempore agis; in qui-  
bus alij consumerent annos. Præsto Tibi a-  
dest negotiorum peritia, ceu Delphicus A-  
pollo quævis dubia solvis, & verba pro o-  
raculis existunt. Quævis Tua Sapientissima  
dicta in legum volumen referenda; quævis  
rotundæ periodi, Æternæ Veritatis proposi-  
tiones censenda. Quidquid in Judicijs Cu-  
ria pronuntias, aurô cædroq; notandum, o-  
mnium menti placet & pectori imprimitur,  
quia omnibus pro justitia favorabile. Pluri-  
ma quæ rectè peragis, fama communis nar-  
rat, & minora dicit Tuis laudibus. Non  
Te publicæ curæ pietati eripiunt, non Regni  
negotia à Superis avertunt. Intentum Te  
sibi Cælum habet, licet rebus communibus



attendas Corde Tuo Sanctior erumpit Vesuvius quo Divorum Aedes collu-  
 strantur. Pietatis Tuae Socia in egenos munificentia, Pater Patrie diceris  
 simulq; miserorum Pater audiris. Princeps Tua omnino benefica manus, ad  
 ferendam inopibus opem, Iberios fluvios superando. Instat syllabus ingens  
 virtutum Tuarum, sed numerum Oratorum excedunt, sicut sibi ipse Pane-  
 gyres erunt Plinij qui Te suum Trajanum laudabunt. Tui Theodosio non de-  
 erunt, facundiores Pacati. Operis huius exigui objectum, profundissima vene-  
 ratio non materies encomiorum, quae Tullius & Marones requirunt. Imò ut  
 Te digna contingat Oratio Tuo Calamo scribendus & Tuo Ore dicendus eses.  
 NEPOMVCENV in Praesidium Urbis Craciae assumptum, Tibi Patria Ec-  
 clesiamq; fero Defensori, IOANNEM IOANNI, Lingua sua incorrupta vocale Vocem,  
 Oratori Regio dico, Sigillo Cancellariatus, pro Sigillo Confessionis Martyrem  
 Divinissimum venerabundus appendo, Primasq; Violas & Celsissimos Hono-  
 rum fascēs sub RASTRV Gentilitium Colligi precor.

ILLVSTRISSIMÆ

Excellentis: & Reverendis:  
 Dominationis Vestrae

humillimus Cultor

Et Servus.



# PANEGYRICUS.



Atollite frontem spes publicæ,  
evola in altum Sarmatica Ales,  
reperate Portas cordiumq; re-  
pagula Cracij Cives NEPO-  
MVCENO in triumphum.

Quidni cum festivis tripudijs  
IOANNI occurrere debeatis? qui numerosa  
Clientum stipatus turbâ, non tantum morta-  
lium animos, verum & Sanctum Divorum  
cætum sibi nactus, in applausum. Exeunt  
obviam Sancto Contratri suo tam Urbis hu-  
jus quàm totius Poloniæ Patricij Tutelares  
sacraq; ineunt consilia, quibûsnam plausibus?  
quibûs triumphis novus excipiendus Hospes?  
Conclusio beata nemine contradicente facta,  
post Sanctam animorum luctam unicuiq; su-  
am cecinit victoriam; quia à quolibet trium-  
phalis ingressus adornatur. Primus inter õnes  
quia Regni Primas Archipræsul ALBER.

A

TVS



TVS Præsuleo suffultus pedo in mille exuberat solatia, dum gratiam Polonos in limites videt accedentem. Quondam Pragensis Pastor Pragenslem complectitur Prælatum dignū Eidem præservans locum ad latus suum mansionem permittit, ut non sit sine Canonico. Roseam suo Gentilitio pandit Porajo viam IOANNI. Quò ad gloriam cælestem enatavit cum eodem Remo occurrit aquarum Martyri; novum sibi ratus accessisse Cruciferū gaudiorum sumit incrementū. Porrigit alijs palmam & Solenni indutus ornamēto Domi suæ triumphum auget. Pragensi Cathedrali Canonico in sua Diœcesi Hospiti Sanctus non deest STANISLAUS, ut maior triumphorum appareat cætus venerabilē numerosissimi Cleri Majestatem Gentilitia sua prodromante Cruce in plausum Magno ducit Mystæ. Gladiò quo occubuit vivam NEPOMVCENI ampliat famam. Exinde Hospiti gratus, quòd Ille à BOLES LAO Hic à VENCES LAO Martyr & uterq; in sede Beatorum laureatus uterq; Sanctus. Scribit IOANNI ingentes laudū panegyres hac manu FLORIANUS, quā Polonia Patronus factus, strenuus pro Dei honore miles; simul & pompæ triumphalis Ducem agit.



agit. Poloni Æneæ non minor Sangvis Iagellonum cara Propago Orbis Sarmatici dulce decus, Regum & Principum gloria CASIMIRVS novo Hospiti nitidissimum præsert liliū. Appendit in Ara IOANNIS candidi pectoris hæcatumbē, similis similem, quia MARIE salutat Cultorem, Regis Filius Reginae Confessarium; Patriæ amor, cordis humani delictum. Emittere odorem suavitatis ut omnis ad adventum NEPOMVCENI redolet felicitas. *Hyacinthus*; sagittæ suæ metam amoris inueniens in IOANNE, simul & Arcum ponit in triumphum. Evolat Phœnix ex Loiolanis ignibus *STANISLAVS KOSTKA*, in *Socium IESU* à prima vocatus Iuventa, gaudet quod NEPOMVCENORVM plautuū etiam fiat socius. Occurrit IOANES IOANNI viam *Cantius* NEPOMVCENO, Doctor Doctorem mutuis excipit amplexibus, dicerem quod nova propter tantos Magistros assurgat Universitas nisi scirem & Iagellonicam Palladem à Carolina Minerva non differre. Acclinat sua venienti Sceptra, signum amoris & gaudij demonstrans, cum toto inplausum currit Academia cælestem salutando Collegam. Nequit



coronas Cracius Apollo, quæ etsi eminentia  
summis æquales, cum tamen ob summam co-  
piam omnes caput IOANNIS cingere ne-  
queant, progressum ornant in amæna flori-  
legia surrecturæ. Accendit Seraphicis ex  
flammis rogos, olim in Cracia Vniversitate  
Magister Divus SIMON de Lipnica, & quo  
erga alios ferebatur amore, eundem IOAN-  
NI in pompam triumphalem explicat. Ac-  
currit in tantæ Solennitatis tripudium de me-  
dio Lateranensium Canonicorum *STANI-  
SLAVS CASIMIRITANVS* se  
statuit novo Hospiti IOANNI in applausum,  
quem in Laterano à Sanctissimo quōdam BE-  
NEDICTO XII. numero Sanctorum ad-  
scriptū cernit. Intonat Salve Canonicus Ca-  
nonico altis suspirijs ingentes molitur trium-  
phos; plura ausurus, si subsequentes ad ea per-  
agenda non videret. Rependit cor cordi IO-  
ANNI *GIEDROICIVS*, ex Principe  
familia Principem movet applausum; alter  
Hortensius rosīs suis coronat Gratianum, ad  
majora augenda vota, suum socium ex  
circulo vocat *SVENTOSLAVM*, ut E-  
undem quem publica omnium veneratur læ-  
titia etiam & Illi suis affectibus prosequantur.  
Ridet



Ridet amæniori vultu inter Augustinianā Eremum *Isaias Boner*, suas arbores in portas abire permittit, ut triumphalis Hospiti appareat ingressus. Prodit ex toto Polono Orbe innumera Sanctorum Vniversitas, alij prælucente Dominici face, alij cum Loiolanis & Seraphicis prodeunt ignibus, singuli cum plausu; & quibus sua defunt arma, Solennibus ornati stolis triumphalem comitantur pompam. Sunt quidem hi omnes in Præsidium Polono Orbi Tutelares, sed non minus IOANNES. Multa debet *Lecho* Sarmatia, quòd ex Bohemia veniat Fundator, IOANNI plura; quòd venerit Protector. Romanum Capitolium ingredienti Antonio, tota Quirina plaudebat turba, mænia ipsaq; pupulis repleta tecta, communia testabantur vota; Togati Proceres, Sago induti Equites, pro opibus suis; odores aliaq; cremabant solennia, & illi quorum diversa oppida, victimas Triumphatori, statuentes publicis conclamationibus pompam augebant. Venienti Polonos in limites IOANNI, majores ut surgant plausus est necessum. Ponant ergo alij Tibi Magne Patrone arcus & triumphales collossos, alij Pyramides, Statuas, & Septizonia erigenda decernant, quæ si Ti-



bi arrident; permitte etiam amoris penicillô &  
vivi virtutum coloribûs Tuam per vitæ line-  
as ducere Imaginem, & sic quis qualis, quan-  
tusve sis Curq; inter triumphales plausus Præ-  
sidium mancas patebit.

*Nativitas NEPOMVCENA per Pa-  
rentum preces à MARIA implorata  
omnibus in Præsidium cedit.*

Mirare Orbis  
IOANNES precibus imploratur  
quia Præsidium,

& quæ natura obstacula posuit,  
MARIÆ gratia superavit.

Etiam & Laconum augustas animas  
obstetrice mala fortuna  
ad immensum gloriæ decus,  
Nasci non insolitum:

quod ferius  
carius est.

ipsa expectatio dat pretium rebus.

Bellum inter Parentes IOANNIS proclamatum

sed minimè bellum,  
pugnatum suspirijs pugnatum votis.

ut



ut Præsidium nasceretur.

**Lacrymæ.**

quæ pondera vocis habent

Mari immissæ Mariano,  
in gemmas solationum concreverunt,

Vocem alteram nactæ,

quia IOANNEM.

Ex qua mille clypei pendent

Turris MARIA,

dum precibûs oppugnatur,

consurgit Præsidium

fatis munitum ac solidum IOANNES,

etsi à lacrymis Parentum :

quia futurus

Aquarum Martyr.

Nec mirum quod tardo molimine consurgat :

decenio Elephas parit sed Elephantem,

decurrit ut IOANNES serò nasceretur

cujus gressus ad solas virtutes

velocitatem spondebat.

Antequam natus,

iam adultus fortunæ suæ faber.

Gratia gratiam Orbi dedit

**MARIA IOANNEM**



aridæ ut resuscitarentur spes,  
Fons hic ex Oceano profluxit Cælesti,  
brevi Moldavam,  
Nomine & factis aucturus,  
ut in gratias exuberet.  
Diu quidem suspensa Parentū tenebātur vota,  
sed ut citius in gaudia venirent,  
hoc dotata,  
quòd Ejus ope famæ bonæ  
Patronus nasceretur,  
per Quam humano generi  
infamia in solatium venit.  
Magnis Parentibus magnus natus IOANNES,  
lucem genitus aspexit,  
sed illam;  
quam Sol Iustitiæ Christus serenavit.  
Ex Mariano mari  
Vnio hic emerfit pretiosus,  
ut Orbem ditaret.  
Ab illa quæ ut Castrorum acies ordinata  
Præsidium IOANNES prodijt,  
ut tuta fama maneret.

Præ-



Præcursor Christi Baptista  
unus nisi ex utero exivit Elisabethæ,  
alter major eô non surrexit.

NEPOMVCENVVS sterili natus Parente,  
ut fertiles redderet successus.

Imbellem columbam  
feroces non progenerant Aquilæ,

pijs Parentibus,

Sacer natus Myſta,

ab Aris imploratus

quia aris dignus;

In Baptismo

quas erat recepturus gratias,

secum simul pro dote tulit.

Magnis nimirum curis

summa animorum decora assurgunt,

nunquam se ita fatorum inclementia exerente,

ut non emergant Coclites.

Post ingentes curas

Natus IOANNES,

signum;

quod nunquam sine cura

C de



de Bono famæ.

Oppido in Pomuk  
NEPOMVCENI Parentibus auxilium  
per MARIÆ gratiam datum,  
ut hic pridem desiderabilis venisset  
G R A T I A N V S.

Quæ omnium lactavit Creatorem,  
Hæc Lucina NEPOMVCENO commodissima fuit  
ipse Illum Divorum nutrit amor,  
quia cordis humani delictum.

Compositum quidem Physicum  
sed magis Gratiarum IOANNES,  
non prius in lucem datus;  
antequam precibus imploratus.

*Sanctus in Orbem hunc Præsidij exortus  
videntibus Astris, prodigiose sola-  
tia monstrat.*

Adeste huc centoculi Argi,  
tubos opticos erigite Astronomi,  
quibus Astra pro meta  
& meta in astris est.

Majores minoresq; Planetas lustrate,  
quisnam in Cælis triumphus?

quod.



quodnam appareat Phenomænon.

Lux domui circumfusa exoritur

Quis Phosphorus Bohemū ingrediatur Cælū  
formate prognoses.

Aurora

semper nuncia Solis est,

post ablutionem, Orbis

Fædus pacis & solationum decus,

utiq; in Iride cernebatur;

Ad Adventum IOANNIS

diluvium lacrymarum

Cælesti debuit exsiccari lumine.

Infanti Herculi

Stella in cunis apparere visa,

futurum inter astra Sydus

à Vatibus nuncupatus;

Nascente NEPOMVCENO

Cælestes emicant flammæ,

ut alter ELIAS igne amoris Divini

Regna & Reges inflammabit.

Stupor Mentium,

Infanti astra famulantur minora,

posthac



totus in Coronam veniet Olympus.

Nascente Minerva  
Cælum ridendo gemmeo grandinabat imbre,  
Nato IOANNI majorem addit plausum,  
dum domum Regiam Solis facit.

Factum est:

Inter sydera enim Infans nasci debuit,

Qui

etiam inter sydera Martyr factus.

Astris applaudentibûs  
Nativitas peracta Ejus,  
quia solatium novum

Orbi ad videndum proponitur.

*Sanctum Præsidij IOANNIS in  
Virtutibus exercitium.*

Donum ingens  
Parentibus IOANNES datus,  
Baptismalibus lavatus undis,  
quidquid egit  
candidum erat.

Dies Ejus.

Sine linea rara, & ferè nulla;  
Continuæ innixus pietati

Pena.



Penates domesticos  
Divorum Coloniam fecit;  
& vitæ Ejus maxima  
non alia,  
nisi DEO & Genitrici Mariæ servire.

Puillus corpore  
Mente tamen animoque Gigas,  
per scuta reptavit puer,  
Novam moliebatur gigantomachiam;  
sed contra scelera.

Vagiebat in Cunis Infans,  
brevis pro Divorum Aris Orator;  
ex Pænitentum lacrymis;  
non unam DEO Hostiam oblaturus.

Crepundijs puerilibus solutus,  
se virtutibus involvit:

Afsidua DEI contemplatio.

IOANNI Iovis dies recreatio erat  
vituperium promeruit nullum,  
nisi apud vitia;  
quæ fugiebat.

Hic fiste calame

D

fi Io.



si IOANNE M delineare intendis  
Major supra spem dicentium  
& scribentium evasit.

Mente in Cælum elevatus  
mortalibûs pennis attingi nequit.

Si sic in viridi,  
quid de IOANNE sperandum in Arido?  
in Eo crescente

Ignis Divini augmentabatur amoris,  
assiduis Orationibûs

Cælos sibi devinctos faciebat,  
ut virtutum stipatus satellitio,  
inter Triumphales plausus  
Præsidium videretur.

Fugiant alijs freno non remorante dies,  
præcurrunt horæ,  
more fluentis aquæ,

NEPOMVCENVVS promptitudinem ingenij eis opponendo  
tenellos Aras versus dirigebat gressus,  
ut ad metam DEO serviendi  
citiûs perveniret.

Ædes Parentum  
IOANNI hospitium erant

Ipsa



Ipfa mansio  
Domus DEI Ecclesia  
Ad quam Phosphoro veniente festinus  
vix Hespero oriente redux.

Tremendo Missæ Sacrificio  
Assiduo adesse duxit,  
Ipse futurus Magnus Sacerdos.  
Thaumaturga Beatæ Virginis Imago,  
Intentionum IOANNIS terminus erat,  
sed sine termino,  
ad quam corpore non precibûs  
Ieiunus accedebat,  
ut recessus Ejus beatus fieret.

Inter tot in vinea Christi labores  
dignus Operarius mercede sua  
hoc sibi pro præmio habuit,  
cùm alijs daret.

Primis imbutus rudimentis  
scivit benè,  
qui Virginem Sanctam concernit honor,  
laurea Doctorali coronandus  
Prius Academiam omnium scientiarû coluit.

IOANNI jam non Phæbus  
qui Illum ad Ædes non duceret Marianas,



in quibus pijs suspirijs  
Sanctiorem ligabat Amaltheam,  
ut lacte Divini amoris nutriretur.

Meditatio NEPOMVCENA

De DEO erat  
innixus devotioni  
ut alter Paulus,  
mente Cælestem voluebat Patriam,  
ad eandem

viam omnibus monstraturus.

Aptabat se tempori

& in usus suos

omne ejus spatium convertebat.

A Magistra Artium MARIA

Sacras Complexus scientias

Pragenle petijt athenæum

ut in humaniores profecisset.

Initium sapientiæ Timor Domini

Ejus fundamentum fuit,

cui innixus

Ad sustentandam Ecclesiæ molem

Grandem crevit in columnam.

Virtutes quisquis spectare voluit

In



In IOANNE Vidit.  
Quarum ille effigiem in se præferebat.

*Sanctus Divi IOANNIS NEPOMV-  
CENI in humanioribus Scientijs pro-  
fectus, & laureæ Doctorales.*

Sub Scholastico Sole  
NEPOMVCENVVS ingenium excoxit suum  
ut plurimis saperet.

Somnum nullum admisit,  
qui sine vigilantia esset.

Deficiente suo lumine Phæbo  
Ceantheus vices supplebat lychnus  
noxq; illi semper dies erat.

Inter Mulas Apollo  
Inter Tullianos flosculos Princeps florum  
quia lilium factus IOANNES.

Per Aristotelicum Eurippum  
Carbassis diligentiae instructa Cymba  
ad Laureas enatavit;

Et qui solum mente volvebat DEVM.

Post Corymbion Philosophicum  
Laurea Coronatus Theologica.

E

S.



S. Theologiæ & I. V. Doctor proclamatus  
utramq; tuebatur spartam,

amare DEVM, scelera fugere,

lectio Ejus solidissima;

Et plus tacendo docuit,

quàm quis stentorea voce loquendo posset.

Inter Doctos

evasis doctissimus

quia à Magistro Christo instructus.

Nec satis est:

Post laurus Academicas

Mystræ donatus Areola;

decurrit enim ut Iuris Vtriusq; Doctor

Cælestis Tribunalis Surrogatus

Humanæ conscientiæ simul fieret & Iudex,

Cujus decreta non alia,

nisi Pacis medium inter DEVM.

Continuis erga Superos ardens votis,

etiam & ad MARIAM

Castrorum Aciem Ordinatam

ut Præsidium se ordinabat IOANNES,

Dùm assidua in montem viridẽ peregrinatione

dome.



domesticus factus,

licet de novo,

Antiquo tamē erga MARIAM ferebatur amore.

Suo principio quisq; multa debet,

Fontes qui proprium absolvunt cursum  
signum obligationis demonstrando,

Vnde ortum habent,

Eidem illabuntur Oceano

NEPOMVCENVVS MARIÆ precibus imploratus,  
etiam suas Eicum corde rependit preces,

igne Cælesti inflammatus

se in holocaustum proponit.

O ingentem IOANNIS pietatem

o inauditum amorem!

Dies Ei quilibet festus erat.

erga DEVM & MARIAM,

sermo

etiam familiaris de Divinis,

verum Angelum dicerem.

si simul Sacerrimum Mystam non nossem.

Ex ipso Nominis Ethymo disertus

& reipsa fuit IOANNES,

Peroravit pro nobis coram MARIA,

& ad DEVM in MARIA.



Nulla hora  
quæ ab Ejus precibus pretium & pondus non sumeret,  
omnes Auræ

quia de Thesauro gratiarum emensæ  
*Præsidium IOANNES omnibus per  
Eleémſynas suos cumulat favores.*

Probavit curas  
de bono Regni laudabiles  
omnium assensus,  
labores privatim peractos  
ut in publico magis Bohemia videret

In Regis Aulam  
NEPOMVCENVŚ provocatur.

Exeat ex Aula, qui volet esse pius.  
IOANNES commune vicit edictum;

In Curia

Majoribus stipatus Curis  
nil intendebat  
quod Magnum coram DEO non esset.

Divisum cum love Imperium,

ut citius haberet,

sua in egenos dividebat.

Elèémofynarius factus

dabat,



dabat, sed recipiens

quid? nisi gratias.

Claras ad se voces

Clarissimo Compensabat sensu,  
quas ex tenui proventu sibi comparavit opes,

in Ecclesias Divorūq; aras  
& aliorum inopiam convertit omnes.

Regi addictissimus,

ut alter suo Alexandro Ephestio;

plura dando Auxit

quàm ex censibus implendo.

Per IOANNEM

ad gratiam Regis aditus facilis,

Quia ipse IOANNES gratia

ad intima admissus secreta

Brevi pro secretis Martyr,

non quòd ea revelaverit

sed quòd celaverit.

NEPOMVCENVVS favoribus nemini defuit,

ad ea nonnisi parcus,

in quibus ex liberalitate

scelera nasci possent.

F

Virtu



Virtutum Promotor maximus  
quia totus ad earum Normam compositus,  
discordantes sæpe univit animos  
Ipse Vnio pretiosissimus.  
Inter ignes aurum, inter incudem & malleum  
adamas valorem non amittit,  
IOANNES inter varios Aulæ positus turbines  
nunquam naufragium passus.  
semper Præsidium firmissimum;  
& præcipuè  
Dum IOANNÆ fieret Confessarius.  
Pragensis Cathedralis Canonicus  
non sine exemplo  
quid deceat Sacerdotem quid deceat Prælatū  
ut in speculo monstravit.  
In Cathedrali Ecclesia  
Cultum Divini augebat honoris  
ut in populis amorem augeret;  
ad magna natus  
Majora gessit quàm dici possunt.  
Præsules Purpuratos  
verecundo adæquabat vultu,  
à fronte Iupiter ab Ore Mercurius  
eo autem & illos superavit  
quòd nihil profanum egit



*Contemptus honorum in NEPOMV-  
CENO non sine honore Præ-  
sidium exponit.*

Huc currite honores  
Nomen vestrum apud IOANNEM infimum  
& qui aliorum desideria  
proprio accenditis igne  
in NEPOMVCENO extincta  
deplorate.

Semper enim in Sanctis summa dignitas  
mereri singula non habere  
subesse non præesse  
Fatuæ sunt flammæ, quas nutrit honorū focus  
cum igne Divini amoris  
rarò subsistunt.

Vir secundum cor DEI IOANNES,  
mundanos fugit honores  
ut Cælestium particeps fieret,  
Hos nonnisi adamavit  
qui cum labore essent.

Boni communis Ecclesiæ, & Literati otij amantissimus  
nunquam sine honore fuit,  
vel maximè cum eos recusavit.

Fidei solidissimum fulcrum,  
omnia bene egit



Ipse optimis melior.  
fatis illi erat Myſtam eſſe  
& plus ſibi æſtimavit aliorum inopiæ ſervire  
quàm divitijs.

Pontificale renuit pedum  
ut dextram ad liberalitatem  
promptiorem haberet.

Tyaris Caput ſubmovebat  
ut in Patria triumphator  
laurum fortiretur

vilis de ſe æſtimatio  
pretium non humile naſta,  
quæ offerebantur Prælaturæ  
non acceptatæ, IOANNI ſolatium;

Soli honori cordolum augebant.  
Flectebat Venceſlaus vota NEPOMVCENI  
ut ſimul ad revelandum confeſſionis ſigillum  
eundem flecteret.

ſecreta IOANNÆ ut prodirent  
apertam ad honores januam

Illi demonſtrabat.

Recuſavit ſubſellia IOANNES  
futurus Cæleſtis ſenator.  
ut ſuus Sacramento conſervaretur honor  
mundanum reſpuit, majori coronandus

San-



*Sanctæ D. IOANNIS NEPOMV.  
CENI Conciones & ardentissima  
Cultus Divini Promotio.*

Non Nomine tantum  
sed & ipsis respondebat factis  
IOANNES Baptistæ,  
Ille inter Eremum Christi Præco,  
Hic inter inversas arbores  
Homines intelligo  
vocalissimus Proclamator;  
verba jaciebat  
sed fulminis instar,  
quibus peccata feriret.  
Sydus nitidissimum Ecclesiæ  
in Exedra quoties enituit,  
toties lumine suo  
Hæreticas dispersit umbras;  
quòcunq; gressum movit,  
ubiquè obtinuit triumphum.  
Vis dicendi apud Illum non alia  
nisi gloria DEI,  
Etiam coronata monstra  
virgam Eloquentiæ Ejus sentiebant



Actio quælibet heroica erat,  
illis solum non placuit; quorum oculis  
etiam lux solis amænissima  
displicere solet.

Verior Hortensius  
quas olim in Sacris scientijs legit rosas,  
easdem omnibus cumulabat;  
quæ virtuosis apibus Mella,  
solis labe peccati sædatis scarabeis  
venena sapiebant.

Vox non postrema IOANNES  
omnium penetrare volens animos  
docenda prius Ipse explevit,  
ut agendorum exemplar fieret.

Nosce te ipsum  
cuiq; sat clarè explicabat,  
Celeberrimus Doctor  
ex antecedentibus peccatis  
æternæ pænæ consequentiam inferebat  
ut ad pænitentiam reduceret.

In foro Conscientiæ  
sceleribus extructa demoliebatur fana,  
DEO omnium Servatori

nova



nova extruendo sacraia.  
Fidelis Christi operarius  
vocationi suæ ex asse respondens

Dum Soli DEO  
uti cordium scrutatori  
secreta patentia,  
Venceslao revelare noluerit,  
non prius officium quam vitam amisit.

*Sancta D. IOANNIS Mors semper  
nobis Præsidium vivere facit.*

Fata Atrocia  
pari ferocitatis impetu,  
adeò totum grassantur per Orbem,  
ut etiam laurus fulmine tangi nescias atterant,

Sceptra ligonibus æquent.  
Certa omnibus spes & eventus mors  
in ipso vitæ Ortu

plurimos ad occasum compellit,  
& uno obitu  
millenas trahit ad declivia laudes:

Aliter tamen  
meritis & virtutibus



NEPOMVCENI Concessum.

Qui dum in terris fuisset

Cælo vivebat

nunc cum in Cælis est

Orbi ad Pæsidium vivit.

Ingentia quippe Nomina

Libro æternanti inserta,

oblivione deleri non possunt;

semper virtutis fama post fata superstes;

factis Sancti homines

non annis vivunt,

& eo tempore perennare incipiunt,

dum inter mortales esse desinunt.

Suscepit quidem pro non revelato sacramento

mortem IOANNES,

sed vitam simul felicem adeptus.

Mandato Venceslai

in flumina Moldavæ præcipitatus

ad portum gloriæ enatavit,

& qui nihil humanum egit

hominum excedens fortunam

supra aquas ferebatur

quo nomen suum etsi in conspectu Regis vile,

in



in Cælis tamen pretium habere demonstravit  
Oculis intuentium perijt non gloriæ,  
Ejus nihil miserandum in morte  
cujus vita ad fortunam erat aliorum  
ut Præsidium expugnaretur IOANNES  
Necromanticas Venceslaus adhibebat vires  
suis diffusus

Injustus, inhumanus,  
alijs licere omnia voluit scelera,  
Contra IOANNIS Innocentiam;  
puduit Eum bene agere de Exemplo  
anteire malos maluit  
quam bonos sequi, ipse pessimus,  
secreta I O A N N Æ scire volens  
antequam sapuit, prius desipere cæpit.  
verba Confessionis cum scrutari non posset  
IOANNEM aquis scrutandum posuit.

Vt in vita  
sic & in morte gloriosus,  
inter astrorum plausus natus,  
etiam inter eosdem obijt.

Vixit sibi satis ad gloriam,  
populo ad exemplum satis,

H

Fatum



Fatum Ejus  
Venceſſao Sacrilegium  
Ipli nonniſi uti Martyri  
laudabile conciliavit Nomen in æternum.

*Sancta D. IOANNIS NEPOMUCE.*  
*NI lingua ab aliquot ſæculis incorrupta.*

Hic ſuspende greſſum  
Viator  
non ego ſed ipſe Te alloquitur IOANNES,  
Soli Regi mortuus  
Tuo tamen invigilat Honori & præſidio,  
in ſuis perennat factis.

Lingva Ejus incorrupta  
quod Oratorem agat mirare!  
Inſolita elequentia hæc non ne meretur  
ut Te detineat.

Illa eſt quam taciturnitas, diſertam fecit  
ſi plura ſcire vis?

Lingva hæc cum vixit tacebat  
nunc etſi mortua dicere non ceſſat  
ut alij male loqui ſinant.

Totus IOANNES in vita ſua Eloquentiæ Prodigium,  
etiam poſt fata diſertus,

abijt



abijt non obijt  
ut famæ subveniret.

Tuetur communes successus uti præsidium  
Et qui inter mortales esse desijt  
suis tamen non deest Clientibus.

Quæ DEI Honorem prædicabat lingua,  
Hæc encomia NEPOMVCENA clara facit  
Rubet recenti Cruore  
Nemini tamen cruenta.

*Sanctus NEPOMVCENS in verū  
Præsidium miraculis claret.*

Tuetur à Pestifero impetu  
tot Regna IOANNES  
uti Præsidium,

multis lassata morbis  
ad ultimum fatorum declivium

Poricensis nutabat salus,  
NEPOMVCENO Protectore

à pestilentia livore liberata  
inimicas fugit Nemeses,

ipsa antehac fugienda.

Minabantur Civibus ruinam  
sibi escam



Pragenſes flammæ  
illas IOANNES  
uti aquarum Martyr  
gratiarum ſedavit fluctibus,  
& quæ aliorum conſumebant fortunas  
ſibi conſumptæ;  
erant ſed quaſi non eſſent,  
ſuos inculando impetus  
cum majori diſparuerunt  
quam venerant fragore.

Illabitur flumini, infans puella  
IOANNES qui inter aquas fata ſubijt.

Ex aqua ſublata vitam reddidit

Inter Cæli lumina  
NEPOMVCENVVS Natus  
etiã Tyreſijs ſuam præbet lucem  
ſibi devotum Przybylium  
lumine oculorum orbatum  
favoribus illustravit,

& cui Medicorum magis obſuere remedia

NEPOMVCENI gratiæ,  
uti magni Doctoris proſuere.

Continuus ad MARIAM peregrinus IOANNES  
etiã peregrina membra ſana facit aliorum

Col.



Collegiatæ Decanus

etiam & Myſtis ſubvenire non ceſſat.

pedibus langventem Presbyterum

Priſtinæ reſtituens ſanitati

curſum vitæ continuare fecit.

Sanè

ad notanda IOANNIS miracula

Orbis totus in librum ut abeat

eſt neceſſum.

**N**On hic jam meta NEPOMVCENO  
proponitur honori & Præſidio; tendit  
ſemper plus ultra factis ſuis IOANNES ſine  
meta, à tot ſæculis triumphantem ſui ſancti-  
moniam in univerſum expediens Orbem, ad-  
eſt ubiq; favoribus præſens, gratijs cumulatus.  
Eſt tibi quid gratulandum Divorum Parens,  
Magnorum altrix Virorū Cæleſte Suburbium  
Alma Mater Polonia, dum illum ad tuos li-  
mites vides accedentem Hoſpitem, quem pu-  
blicis anhelabas votis. Sed quid ago ſi Hoſpi-  
tem IOANNEM dico, pridem ille ſuis afflu-  
entijs Polonis aderat ſucceſſibus unus in ore  
omnium Gratianus, unus in corde ad delitias  
Titus. Cognatæ ſibi hæ duæ Gentes Polo-



nus cum Bohemo etiam cognatis ut fruantur  
gaudijs est necessum; solatia quod mille sumāt  
nec mirum uterq; enim germanus Princeps  
quia germanus Frater. Domesticus nobis IO-  
ANNES est eò nō nisi pro Hospite putabatur,  
quod sua nostris in Oris defuerit præsentia, qui  
nunquam gratijs deesse voluit. Venit in no-  
stros limites Cælum animatum IOANNES  
ut emortuam fortunam animaret. Quid ul-  
tra? venit Polonæ felicitati & bonæ famæ pro-  
tutamine uti Maximus Præses, qui tota vita  
sua nihil egit quod pro Præsidio non cederet  
universi. Effugiebat more modestiæ solito o-  
mnium mentes & assensus, nunc cum trium-  
phalem ad suos terrigenas format ingressum,  
si non ad numerum saltim ad omnimodam re-  
verentiam poscit laudatores. Nec satis est;  
invisceratus amore publico omnium præcor-  
dijs IOANNES, habet suos sequaces Clie-  
ntes sequaces Cultores, æquè ore ac manu de-  
votos. Habet honoris sui Promotores De-  
votissimos, qui NEPOMVCENVN ut licet  
in parte venerarentur, totos impendebant  
conatus. Vellem filere tot magna Nomina  
ne illorū multitudine tota obrui videatur ora-  
tio, sed Ille loqui mandat, qui olim tacuit;  
ille



Ille disertum agere svadet, qui silentiarius erat,  
Ille verborum copiam subministrat, qui Elè-  
émofinarius, inopias aliorum sustentabat. Nō  
defunt sua oratori lumina quæ stellatus con-  
ciliat Martyr, ut major dicendi eveniat origo  
in quibus submersus eosdem accumulat fon-  
tes. Perennat graciosus favor in IOAN-  
NEM *Serenissimi ac Potentissimi* AVGV-  
STI II. Regis Poloniarum invictissimi qui  
inter tot triumphales de hoste reportatas lau-  
reas hæc sibi in maximam habuit, ut etiam  
IOANNEM Martyrij arcola coronatum inter  
suos veneraretur limites. Cæli hic Sarmati-  
ci Iupiter est, sed & illo benignior; in Divo-  
rum aras liberalitate, in subditos affectu decer-  
tat, & nemini non addictus. Gladijs suis in  
adeptione sacrarum IOANNIS Reliquiarum,  
difficultatum resolvit nodos, ut vicina Bohe-  
miæ Sarmatia bono communicativo frueretur  
hæc sua promotione fecit. Florent immarce-  
scibiles pacis beatæ oleæ Serenissimo irrigatæ  
Sudore, quæ re & nomine AVGVSTVM inter  
hostiū animorumq; prælia demonstrant. Pul-  
sabat Ille atria Petri, ut pridem voce populi  
IOANNES Sanctus, etiam & ab Orbe vide-  
retur Sarmatico; nunc ut Sacra impleret de-



sideria etiam & Pragam pulsavit. Servent  
ergo superi nobis AUGUSTUM semper. Secun-  
dum, NEPOMVCENVVS hæc suis conciliet  
factis ut maximus Eius Promotor hucusq; Rex  
vivat *Serenissimus*, quousq; Phæbus totum  
illustrabit Orbem quousq; Sarmaticum peren-  
nabit Regnum.

Non defuit devota propensio in IOANNEM  
*Celsissimi Illustrissimi & Reverendissimi Do-  
mini D. THEODORI in Potok POTO-  
CKI*, Archiepiscopi Gnesnensis Legati Nati  
Regni Poloniae & Magni Ducatus Lithvaniae  
Primatis primiq; Principis. Hic Primus in-  
ter statores Poloniae Princeps sublimioris inge-  
nij animorumq; prodigium, ut miraculis Cla-  
rum IOANNEM novum Sarmaticas in Oras  
deduceret Hospitem Ipse proprijs auxiliabatur  
votis. *Celsissima Pilava* suo destinatum  
gloriae monstrabat locum, ut NEPOMV-  
CENVVS iter confecisset. Lechico in Se-  
natu Apollo *THEODORVS*, quoties pro  
immunitate Ecclesiae pro libertate Regni pe-  
rorat toties oracula pandit. Evincet facta  
evincet hoc & Ipse IOANNES Magno Prin-  
cipi quod cum *Celsissima Domo* sua semper  
meridiem honorum non factorum experietur  
occasum, Pien-



Pientissima in IOANNEM non prætermittenda desideria *Celsissimi Principis Illustrissimi & Reverendissimi Domini CONSTANTINI FELICIANI* in Szaniawy SZANIAWSKI, Episcopi Cracoviensis Ducis Severiæ, Almæ Universitatis Cracoviensis Cancellarij faventissimi. Ditavit sat bene vellere sui *Iunossij Agni* NEPOMV. CENV. M, honoris Ejus singularis Cultor simul & Protector. Monstravit omnibus exemplum, Ipse optimus Pastor; IOANNES cum majori ut veniret plausu, Ille eorum auspex & perfectio. Dedit futuris admirationem sæculis quantus in Illo erga DEI honorem zelus, & quanta erga Sanctos pietas: verè hoc Præsule Cracovia felix, dum non pridem ab Vrbe Romana Sanctum etiam nunc ossibus Sanctorum ossa adjungi videat IOANNIS. Ergo cujus sub singulari protectione Sanctus Martyris viget honor Ille eminentissimis titulis longevus floreat.

Habet pretium appensum in statera IOANNIS Nomen cui suos accumula favores *Illustrissimus & Reverendissimus Dominus MICHAEL KVNICKI*, Episcopus Arlionensis Suffraganeus Cracoviensis, Mono-



cerotem suum Gentilitium statuit Hospiti  
in applausum. Est Illi semper curæ NE-  
POMVCENVVS honor, qui toties probatus,  
exinde vel maxime patet, quod publicum In-  
troductionis adornet actum. Pro tantis la-  
boribus ut in *MICHAELEM* Primæ  
purpuræ & Tiaræ quantotius librentur auxi-  
liabitur IOANNES. Gaudet Hospes quod in-  
ter tot triumphos etiā Peraugusti Capituli re-  
demiatur Coronis, sub quibus secure subsistēs  
Victor, Præsidium demonstratur, Absterget tan-  
tos pro NEPOMVCEANO honore sudores  
fortuna Violis spirabunt sæcula flāmas Magnis  
Prælatis quibus *Illustrissimos* accendent soles.

Fulget pietatis igne & ipsos adæquat Soles  
*MORSZTYNIANA* Phæbe, *Illustrissimi*  
& *Excellentissimi Domini ANDRÆ*  
*MORSZTYN*, Castellani Sandecēsis &c.  
qui in Cælites devotus, etiam & IOANNI su-  
um non denegat plausum. Accendit Sacras  
flamas ut omnibus monstret quātus in *AN-*  
*DREA* erga NEPOMVCENVVM amoris  
ardor, qui cum jam gloria Polonum reple-  
vit Orbem, etiam & altissimorum honorū  
repleat desideria.

Adest Ducalis Eques *CZARTORI-*  
*SCI*



**SCIVS** qui semper pro **NEPOMVCEA-**  
**NO** honore nova decurrit Olimpia, *Illustri-*  
*simus & Excellentissimus Dominus D. IO-*  
*SEPHVS CZARTORYSKI*, Ve-  
xilliter M. D. Lithv. &c. quondam distributo-  
ri **IOANNI** suam non denegat liberalitatem  
ut Hospes pompa celebretur condigna. Da-  
bunt satis Cæli pietati Magni **IOSEPHI**  
Illaq; nominis Ejus fama totum replebunt Or-  
bem, quæ posteri imitari & mirari studebunt.  
Spumat Gemmis & aureas volvit arenas  
Polonus Tagus *Szreniawa* Gentilitius *Cel-*  
*sissemi Illustrissimi & Excellentissimi Domi-*  
*ni D. THEODORI* Comititis in *Wisnicz*  
*& Jarostaw* **LVBOMIRSKI**, Sacri Ro-  
mani Imperij Principis Capitanei Scepusien-  
sis Exercituum Sacræ Cæsareæ Majestatis Ge-  
neralis: Aquarum salutat Martyrem, & in di-  
luyum exuberat gratiarum, quos tenet votis  
hos pandit de sua altitudine plausus; abyssalis  
in Patriam amoris Oceanus, etiam in **IOAN-**  
**NEM** profusus est. Gentis Polonæ Tutamen  
in præsidium Vniuersi **IOANNEM** Principes  
accumulat favores. Vt in altissimis fulcrum  
libertatis **THEODORVS** consolidetur ho-  
noribus aderit **IOANNIS** patrocinium.



Aperit ad triumphū postes Gentili<sup>9</sup> Clavis  
*Illustris. & Magnifici Domini IOSEPHI*  
*in Michalow MICHAŁOWSKI*, Sub-  
dapiferi Palatinatus Vicecapitanei & Iudicis  
Castri Cracoviensis, Hic legum patriarum fi-  
delissimus interpret & alter Licurgus etiam  
in Iuris Viriulq; Doctorem NEPOMVCE-  
NVM explicat pietatem. Clavi Ejus ut cun-  
ctorum pateant honorum conclavia prodro-  
mabit NEPOMVCENVVS.

Ad lumina Solennis actus affunditur splen-  
dor Gentilitiæ Cynthiæ *Illustris ac Magni-  
fici Domini PETRI WODZICKI*, E-  
xercitū S. R. M. Generalis, uti Ecclesiæ & Pa-  
triæ non sine benefico influxu, ita etiam ad  
plausum NEPOMVCENI favoribus agit.  
Quæ ergo Orbi Sarmatico spargit diem me-  
liori coma, ipsa in plenilunio honorum non  
desinet fulgere.

Prænobilis Magistratus Cracoviensis quan-  
to studio pioq; desiderio Sacras NEPOMV-  
CENI deposcebat Reliquias, tanto Devotio-  
nis conatu, à IOANNIS Cultu non desistit.  
Non pridem egit gratias Cælo pro Canoniza-  
tione IOANNIS, Eumq; sibi in meditulliū  
Vrbis Introduxit, nunc non tam turres, quam  
potius



potius colla sua demississime flectit & inclinat,  
ut in Lipsana è collo IOANNIS venerationē  
contestetur. Quod Collossos ergit aut Pyra-  
mides statuit, omnes sunt indicia pietatis; quot  
missiles accendit ignes tot eiaculatorios mani-  
festat affectus; quot solennes flammās rogosq;  
instruit triumphales, tot pientissimis æstuat ar-  
doribus. Sive sint Proconsules sive Consu-  
les Urbis omnes selectissimi de Civibus Viri,  
omnes hunc curant anhelantq; delectum, ne  
sit absq; Promotoribus NEPOMVCEANVS  
honor. Servabit Patronus Urbis columbia,  
Consultissimos cum suo Senatu Viros ab alto  
consilio juvabit. Toti Metropoli stellis suis  
benigna conciliabit astra, Cælumq; ipsum ad  
beneficos influxus acclinabit.

Loci non obstante distantia agit NEPO-  
MVCENI in Cultum inter Religiosos ignes  
primæ magnitudinis Sydus, inter uniones Eccle-  
siæ, Canonicos de Saxia, Adamas; *Perillustis*  
*& Admodum Reverendus Dominus PE-*  
*TRVS ROBERTSON*, Canonicus Re-  
gularis Sancti Spiritus de Saxia, ArchiHospi-  
talis in Vrbe Romana Prior digissimus. Septi-  
collem inhabitat Urbem estq; præsens Craco-  
viæ affectu. Hanc suum natale Solum Illam

L

solam



solam Orbis Dominam agnoscit. Ne subgelida Septentrionis Arcto devotionis in IOANNEM tepescat ardor suum pium non desinit testari fervorem. Casu suo in Moldavam NEPOMVCENVVS firmabit in honoribus Petrum.

Quod adest Præsidium Gracias inter Turres IOANNES, Tibi totum, debemus. *Celsissime olim Illustrissime & Reverendissime Domine D. FERDINANDE de Comitibus KHVNBVRG* Archiepiscopo Pragēsis Legate Nate S. R. Imperij Princeps &c. &c. Pridem Polonis in votis erat NEPOMVCENVM condignis excipere plausibus, nunc Tua gratia prodromante Illam in desideriorū complementum assequimur Sortem quam inter fortunæ Reliquias publicæ ad augmentum, inter ruentes malorum turbines ad solatium non tantum communes poscebant voces, verum & omnium pridem sibi optarunt desideria. Monstrasti clarè contiguam Bohemiæ Sarmatiam solo nonnisi clymate differre non affectu, Donum ingens Poloniæ IOANNEM dedisti & ad triumphū eandem incitasti. Explicat severam in gaudia Mars Poloniæ laureatus frontem, detergis ab æstu bellico sudoribus



bus amœniori ridet sereno ubi strenuum Du-  
cem pro sigillo Confessionis IOANNEM, in  
parte licet veneratur. Exeunt obviam veni-  
enti Hospiti publici plausus Iagiellonica Do-  
ctori occurrit Pallas, & nullus votis non ar-  
matus plausibus non onustus prodire vult, ubi  
corda Civium in Trophæa, exultantes ob gau-  
diorum magnitudinem affectus in triumphal-  
es abeunt obeliscos. Incunt nova tripudia  
Cracij Heliconis Camenæ, Chordas Apollo  
aptat, omnes ad plausus incitat hæc nonnisi  
præmeditando, quosnā concētus venienti oc-  
cinat Hospiti, qui verior Orphæus suo modu-  
lamine omnium mentes sibi in victimam tulit,  
affectus sociavit, verus cordium expugnator, a-  
nimorum triumphator quia IOANNES.  
Regū Coronatrix Cracovia novos hodie per-  
solvit census ubi gratijs armata S. Hospitis  
NEPOMVCENI laus, turribus Decus, Vrbi  
cum millenis solatijs novum infert Præsidium.  
Si ejusdem ingenij esset amplissima Regna in  
hanc transferre pagellam & vere novo riden-  
tes gestientium Regnorum cernere vultus,  
videremus, quanto major etsi veniente autu-  
mno Poloniæ nostræ amœnitas est quam in  
primo adventus accessu, Vandali non negant



explicare campi. Veniunt in solatiorum partem vicina Provincia, fœderata indissolubili nexu gaudia triumphalem pompam adornant. Cælum sereno prospicit vultu, terra Hospiti in plausum suos mittit fructus, & sortis beatæ incrementū exinde pululare visum, quia aqua non sanguine Martyrem veneratur. Accendit Pyrchas Polonis in cordibus ignitus erga Sanctos amor, & quem multa stupuere Regna is hodie prodit non ut adurat spectatores, sed ut maiorem augeat sortem. Ferax laurearum Sarmaticus campus, quas olim suis Triumphatoribus nexuit; easdem IOANNI in plausum mittit coronas. Accendunt sereniores Thedas Soles Poloni; omnium tabescunt livores ut nihil umbræ in Cælo appareat Sarmatico. Enimvero silentibus prælijs sopito inter oleas Marte, novum sibi laus NEPO-MVCENA triumphandi invenit genus, ubi & Gentis Togatæ gloriam, & ingentia factorum monumenta, Sibi duxit in victoriam. Magna enim felicitas est, illam tenere & venerari partem, ex qua nullum infortunium, ipsæ nonnisi Charites & millenæ effulgent gratiæ. Obstrepunt grato murmure aquæ, & suo impetu meliores movendo lapillos plausum edunt



dunt, Illum salutando Hospitem; quem olim  
impia deiectum manu, Pragenses veneratæ  
undæ. Nutant suis frondibus verticibusquæ  
sylvæ, & quæ nubila tangunt arbores, aliæ in  
Coronas, aliæ in Pontes aliæ in Portas abeunt  
triumphales; ubi NEPOMVCENV  
in viridi cernunt gratiarum. Decurrit gloriæ  
stadium pro NEPOMVCENO honore  
triumphalis Magni Ducatus Lithvaniæ Eques,  
totus in armis quòd minime licuisse existimet  
arma abicere, sub labarum Præsidij bonæ Fa-  
mæ alacer currit, Nondum vaginâ conditum  
quod teneat gladium, nec mirum semper e-  
nim Virtus præses, suo digna commilitone.  
Addit Ei alas Regni Aquila, ut Ille avitus Li-  
thvaniæ Heros triumphalibus famæ gloriæq;  
instructus pennis verus plausuum Genius vide-  
atur. Spirant trophæa Patritia per Orbem  
Sarmaticum tot *Celsissimarum* Domuum in-  
signia, pro Divorum Aris bellatrix Aquila, læ-  
tum hodie excitat Classicum, ut inde trium-  
phalis Hospiti appareat ingressus. Refracta  
altis in montibus vox non postrema IOANNES,  
tam Ingens omnibus ad plausus dedit incita-  
mentum, ut nullum Regnum nulla Provin-

M

cia



cia sub Sole, quæ nobis tantum non invidet Hospitem. Induunt sereniorē frontem Minor Majorquē Polonia, adornat Triumphalem Pompam Lithvania, exardescit plausibus Prussia & nullus talis inventus, qui ob summum totius Sarmatici Orbis gaudium, novos magno Hospiti non cogitaret plausus. Attollit Capathus tumentes in altum vertices Saxa candido investita amictu serenam Orbi demonstrant frontem, ut illa solatia quorum spectatores agebant, ab alto vicinis inferant populis. Iple domesticus Vistula, grandævā fluminum comitatus turba, Liburnim NEPOMVCENÆ vehit gloriæ, ut omnis intra Balthin, intra Fennicos ac Codanos sinus, intra Cimbricam Hersonesum, ultimosq; Firlandiæ scopulos sedibus suis remanens populus, videat quā mirabilis in Sanctis suis DEVS, quorum ingentia facta, cū ob triumphorum Magnitudinem uno capi non possint Orbe relicto gratiarum munere, aliam sibi quærunt Macedoniam. Affine Polo Nomen Poloniæ, quod solo nonnisi differat incremento, post tot elusas spes & labentes in deteriora horas, pacis beatæ otia in certamen mu-



tat votorum, ubi Illum Regali plane humani-  
tate excipit Hospitem, qui sine ulla exceptio-  
ne omnibus Cœlestes favores cumulat. Ex-  
pectabat IOANNEM, quasi à natura præmonita  
patentibus Polonia Campis, omnium expe-  
ctabant desideria, nunc tandem cum tanto Ho-  
spite vota nostra coronarunt Superi, exinde bo-  
næ spei assurgit incrementum. Vulcanico mo-  
ta concentu Sarmatica exultat Tellus, & ter-  
ræ visceribus inclusa Saxa Sedibus emota pro-  
prijs in gaudia quodammodo animantur, gran-  
de solatiorum pignus inde sibi maxime autu-  
mando, quòd post tot decurrentia ad margi-  
nem fatorum momenta, post tot ruentiavelut  
agmine facto discrimina, dexter oculis omni-  
um adest, qui pridem mentibus adfuerat IOAN-  
NES. Hic quisquis es metire plausum, scru-  
tare triumphorum recessus, quibus Hospes NE-  
POMUCENVVS inter tripudiantia hodie salutatur  
vota. Accensi amore Clientum Obelisci suas  
in altum mittunt scintillas, ut videant Superi  
etiam & terras suo lumine non carere. Re-  
boanti gaudiorem fragore aera densæq; diffra-  
ctæ nubes, Cœlonovum denuntiant Festum;  
quod singularis erga Sanctos novit celebrare



amor. Acclamant publicæ felicitati omnium  
affectus, in extremis Orbis finibus, fama no-  
vum denuntiat triumphum, quibusnam Po-  
lonia exultet gaudijs, quantis solatijs exube-  
ret. Effudit se sed non in solam tantum po-  
pularum auram laus NEPOMVCENA,  
quæ omnium affectus sociatos & mentes sibi  
devinctas habendo, etiam devota Phæbo &  
Musis pectora pulsat, ut ora resolvat. Ad pu-  
blicum hunc plausum, capacissimi se torquēt  
sensus, excocta sub sole Scholastico ingenia  
fervescunt, & exploratam facundiæ vim dedi-  
cant IOANNI in cultum. Quidquid est inter  
festiva tripudia, inter acclamatiū, vota id totum  
se IOANNI sternit, ut à Præsidio fortuna, ab  
Hospite novi referantur successus. Ergo Ca-  
pessæ destinatum honori Tuo locum Sancte  
Patrone, ingredi hoc Polonum Capito-  
lium magne triumphator; & quod Tibi pu-  
blici plausus extruunt domicilium hoc felix  
conscende. Ministra triumphorum Sarmati-  
ca Ales, sub Tuam huc advolat umbram;  
Præsidiū, estuere eam ab omni impetu adver-  
santi. Salutat Te ut quondam suum Corvus  
Octavium, Tu salutantem protege. Cracij  
Cives



Cives qui Tibi portas & cordium aperiunt  
repagula fiant gratiarum compotes. Cur-  
rit in Tuam pompam devota Regni Metro-  
polis, Te Protectore ut abundantiam in tur-  
ribus suis agnoscat demisso exposcit cultu.  
Pridem Nomini Tuo devincta Literatorum  
ArchiConfraternitas, quæ Tibi hodie trium-  
phalem auget ingressum, ut à Te sublimi Do-  
ctore fortis beatæ assumat incrementum, i-  
mis efflagitat votis. Adesto deniq; omnibus  
Tuis Clientibus, adesto suspirijs adesto votis,  
& qui omnibus unus ad plausus venis sub-  
venias ad solatium, semperq; Cracias  
inter Tuerres pateas Vniversi,

PRÆSIDIVM.





Cives dei Tibi pontis & cordium aperit  
repagula hanc gratiam componit  
in in tuam bonam deora Regni Meo  
polis Te Pontifice ut abundanter in ter  
ribus suis agnoscat deusque expolit  
Indem Nomini Ius de vincta & inestomum  
A chi Contraceras, pueri in hanc tunc  
phalam auger ingreditur et c. in hanc Do  
lore hanc deus agnoscit inestomum  
mis efflagit vos. Adello deus omnis  
Tus Chierus adello inestomum adello vos  
et qui omnis inestomum adello vos  
venis ad loquum inestomum Ceras  
inter Ius de vincta pueri Vinctu

IN RESIDIVM



30. 7. 50



Biblioteka Jagiellońska



stdr0023094



